


樂府雅詞附拾遺 二





樂府雅詞

附拾遺

(二)

曾慥編

# 樂府雅詞卷二

周美成

案周邦彥字美成自號清真居士錢塘人有片玉詞三卷

## 蘭陵王

柳陰直。烟裏絲絲弄碧。隋堤上、曾見幾番。拂水飄綿送行色。登臨望故國。誰識。一作惜京華倦客。長亭路、年去歲來。攀折柔條過千尺。閒尋舊蹤跡。又酒趁哀絃。燈照離席。梨花榆火催寒食。愁一箭風快。半篙波暖。迴頭迢遞便數驛。望人在天北。悽惻。恨堆積。漸別浦縈迴。津堠岑寂。斜陽冉冉春無極。念月榭攜手。露橋聞笛。追思前事。似夢裏。淚暗滴。

## 瑞龍吟

章臺路。還見褪粉梅梢。試華桃樹。愔愔坊陌人家。定巢燕子。歸來舊

處。黯凝竚。因記一作會記箇人癡小。乍窺門戶。清晨淺約宮黃。障風映

袖。盈盈笑語。前度劉郎重到。訪隣尋里。同時歌舞。惟有舊家秋娘。

聲價如故。吟牋賦筆。猶記燕臺句。知誰伴、名園露飲。東城閒步。事與

孤鴻去。探春盡是。傷離意緒。官柳低金縷。歸騎晚、纖纖池塘飛雨。斷

腸院落。一簾風絮。案黃昇云此調前兩段雙拽頭屬正平調一本於聲價

如故分段

### 慶宮春

天一作雲接平岡。山圍寒野。路長乍轉一作迴漸轉孤城。衰柳啼鴉。驚風過

鴈。動人一片秋聲。倦途休駕。淡煙裏、微茫見星。塵埃憔悴。生怕黃昏。

離思牽縈。華堂舊日逢迎。花豔參差。香霧飄零。絃管當頭。惟他絕

藝。一作憐嬌鳳夜深簧暖笙清。眼波傳意。恨密約、忽忽未成。許多煩惱。都

爲當時。一晌心留。一作情

風流子

新綠小池塘。風簾動，碎影舞斜陽。羨金屋去來，舊時巢燕，土花繚繞，前度莓牆。繡閣裏，鳳幃深幾許，聽得理絲簧。欲說又休，慮乖芳信，未歌先咽，愁近清商。暗想新妝了，開朱戶，應是待月西廂。苦恨夢魂，今宵不到伊行。問甚時却與，佳音密耗，暗將潘鬢，偷換韓香。天便教人，霎時相見何妨。

滿庭芳

風老鶯雛。雨肥梅子，午陰槐影。嘉一作樹清圓。地卑山近，衣潤費爐煙。人去烏鳶自樂，小橋外，新綠濺濺。凭欄久，黃蘆苦竹，疑泛九江船。年  
年。如社燕，飄流瀚海，來寄脩椽。且莫思身外，長近樽前。憔悴江南倦客，不堪聽，急管危繁一作絃。歌筵畔，先安簟枕，容我醉時眠。

花犯

粉牆低。梅花照眼。依然舊風味。露痕輕綴。疑淨洗鉛華。無限清麗。去年勝賞曾孤倚。冰盤同宴喜。更可惜。雪中高士。樹一作香篝薰素被。今年對花最匆匆。相逢似有恨。依依愁顙。凝望久。青苔上旋看飛墜。相將見。脆圓薦酒。人正在。空江煙浪裏。但夢想。一枝瀟灑。黃昏斜照水。

隔浦蓮

新簧搖動翠葆。曲逕通深杳。夏果收新脆。金丸落。驚飛鳥。濃靄迷岸草。蛙聲鬧。暴一作驟雨鳴池沼。水亭小。浮萍破處。簷花簾影顛倒。綸巾羽扇。困臥北窗清曉。屏裏吳山夢自到。驚覺。依然身在江表。

定風波

莫倚能歌斂黛眉。此歌能有幾人知。他日風前一作相逢花月底。重理。好聲須記得來時。苦恨城頭傳漏永。催起。起字不叶韻無情那解惜相

思。莫訴金樽推玉臂。從醉。明朝有酒遣誰持。

案宋本無催起二字。相思作分飛。

### 少年遊

并刀如水。吳鹽勝雪。纖指割新橙。錦幄初溫。獸香不斷。相對坐調笙。  
低聲問向誰邊宿。城上已三更。馬滑霜濃。不如休去。直自少人行。

### 秋蕊香令

乳鴨池塘煙煖。風緊柳花迎面。午妝粉指印窗眼。曲裏長眉翠淺。  
聞知社日停鍼線。探新燕。寶釵落枕夢春<sub>一作春夢</sub>遠。簾影參差滿院。

### 意難忘

衣染鶯黃。愛停歌駐客。

一作拍。

勸酒持觴。低鬟蟬影動。私語口脂香。蓮

露冷。竹風涼。拚劇飲淋浪。漏漸深。移燈背壁。

一作籠燈就月。

細與端相。知

音見說無雙。解移宮換徵。未怕周郎。顰眉

一作長顰。

知有恨。貪耍不成妝。

些箇事。惱心腸。待說與何妨。又恐伊尋消問息。瘦損容光。

點絳脣

遼鶴重來。故鄉多少傷心地。錦書不寄。魚浪空千里。憑仗桃根說與淒涼意。愁無際。舊時衣袂。猶有東風門一作淚。

風流子

楓林凋晚葉。關河迥。楚客慘將歸。望一川暝靄。鴈聲哀怨。半規涼月。人影參差。酒醒後。淚花銷鳳蠟。風幙卷金泥。砧杵韻高。喚迴殘夢。綺羅香減。牽起餘悲。亭皋分袂地。難堪處。偏是掩面牽衣。何況怨懷長結。重見無期。想寄恨書中。銀鈎空滿。斷腸聲裏。玉筯偷垂。多少舊愁密意。惟有天知。

齊天樂

綠蕪彫盡臺城路。殊鄉又逢秋晚。暮雨生寒。鳴蛙勸織。深閣時聞裁翦。雲窗靜掩。嘆重拂羅裯。頓疎花簾。尚有練囊露螢清夜照書卷。



荆江留滯最久。故人相望處。離思何限。渭水西風。長安亂葉。空憶詩情宛轉。凭高眺遠。正淥玉一作液新筠。蟹螯初薦。醉倒山翁。但愁斜照斂。

### 早梅芳近

繚牆深。叢竹繞。宴席臨清沼。微呈纖履。故隱烘簾自嬉笑。粉香妝暈薄。帶緊腰圍小。嘆鴻驚鳳翥。滿座看輕妙。酒醒時。會散了。迴首城南道。河陰高轉。露脚斜飛夜將曉。異鄉淹歲月。醉眼迷登眺。路迢迢。恨滿千里草。

### 水龍吟

素肌應怯餘寒。豔陽占立青蕪地。樊川照日。靈關遮路。殘紅斂避。傳火樓臺。妬花風雨。長門深閉。亞簾攏半濕。一枝在手。偏勾引。黃昏淚。別有風前月底。布繁陰。滿園歌吹。朱鉛退盡。潘郎一作却酒。昭君

乍起。雪浪翻空。粉裳縞夜。不成春思。恨玉容不見。瓊英謾好。與何人比。

品令

夜闌人靜。月痕寄、梅梢疎影。簾外曲角闌干近。舊攜手處。花霧寒成陣。應是不禁愁與恨。縱相逢難問。黛眉曾把春衫印。後期無定。腸斷香銷盡。

月中行

蜀絲趁日染乾紅。微暖面脂融。博山細炷靄房櫳。靜著打窗蟲。愁多膽怯疑虛幙。聲不斷、暮景疎鐘。團圍四壁小屏風。淚盡夢啼中。

虞美人

疎籬曲徑田家小。雲樹開秋曉。天寒山色有無中。野外一聲鐘起送孤篷。  
添衣策馬尋亭堠。愁抱惟宜酒。荻蒲睡鴨占陂塘。疑一作被

行人驚散不一作成雙。

又

玉觴纔掩朱絃悄。彈指壺天曉。回頭猶認倚牆花。只向小橋南畔便天涯。銀蟾依舊當窗滿。顧影魂先斷。淒風休颭半殘燈。擬倩今宵歸夢到雲屏。

少年游

簷牙縹緲小紅樓。涼月掛銀鉤。聒席笙歌。透簾燈火。風景似揚州。當時面色期春雪。曾伴美人遊。今日重來。更無人問。獨自倚闌愁。

點絳脣

孤館迢迢。暮天草露霑衣潤。夜來秋盡。月暈通風信。今日原頭黃葉飛成陣。知人悶。故來相趁。共結分一作臨歧恨。

又

征騎初停。酒盃欲散。一作酒行莫放離歌舉。柳汀蓮浦。看盡江南路。苦恨

斜陽冉冉催人去。空回顧。淡煙橫素。不見揚鞭處。

浣溪沙

寶扇輕圓淺畫縐。象牀平穩細穿藤。飛蠅不到避壺冰。翠枕面涼

頻憶睡。玉簫手汗錯成聲。日長無力要原作看誤人凭。

又

薄薄紗幮望似空。簾紋如水浸芙蓉。起來嬌眼未惺忪。強整羅衣  
擡皓腕。更將紈扇掩酥胸。羞郎何事面微紅。

又

翠葆參差竹徑成。新荷跳雨碎珠傾。曲欄斜轉小池亭。風約簾衣  
歸燕急。水搖花影戲魚驚。柳梢殘日弄微晴。

又

雨過殘紅濕未飛。珠簾一桁透斜暉。遊蜂釀蜜竊香歸。

金屋無人

又

樓上晴天碧四垂。樓前芳草接天涯。勸君莫上最高梯。

新笋看成

又

日射欹紅蠟蒂香。風乾微汗粉襟涼。碧紗對捲簾紋光。

自翦柳枝

明畫閣。戲拋蓮的種池塘。長亭無事好思量。

陳瑩中

案陳瓘字瑩中延平人。有了齋集四十二卷。

卜算子

身如一葉舟。萬事潮頭起。水長船高一任伊。來往洪濤裏。  
潮落又潮生。今古長如此。後夜開樽獨酌時。月滿人千里。

一落索

體上衣裳雲作縷。不論寒暑。世閒多少老婆禪。猶苦問臺山路。  
堪笑龐翁無趣。臨行却住。古人公案不須論。還了得如今否。

減字木蘭花

大江北去。未到滄溟終不住。淮水東流。日夜朝宗亦未休。  
香爐煙裊。濃淡卷舒終不老。寸碧千鍾。人醉華胥月色中。

又

華胥月色。萬水千山同一白。南北相望。獨醉香山舊草堂。  
淮岑妙

境。十載醺酣猶未醒。一腹便便。也讀春秋也愛眠。

卜算子

只解勸人歸。都不留人住。南北東西總是家。勸我歸何處。  
去住總由天。天意人難阻。若得歸時我自歸。何必閒言語。

又

黃了舊皮膚。最是風流處。多少紛紛陌上人。不聽春鶯語。  
觸目是家山。到了須拈取。雲散長空月滿天。好個還鄉路。

又

夢裏不知眠。覺後眠何在。試問眠身與夢身。那個能祇對。  
醉後有人醒。醒了無人醉。要識三千與大千。不在微塵外。

青玉案

碧空黯淡同雲繞。漸枕上、風聲峭。明透紗窗天欲曉。珠簾纔捲。美人

驚報。一夜青山老。使君留客金樽倒。正千里瓊瑤未經掃。欺壓梅花春信早。十分農事。滿城和氣。管取明年好。

驀山溪

扁舟東去。極目滄波渺。千古送殘紅。到如今、東流未了。午潮方去。江月照還生。千帆起。玉繩低。枕上鶯聲曉。錦囊佳句。韻壓池塘草。聲過去年雲。惱離懷、餘音繚繞。倚樓看鏡。此意與誰論。一重水。一重山。目斷令人老。

減字木蘭花

世閒藥院。只愛大黃甘草賤。急急加工。更靠硫黃與鹿茸。鹿茸喫了。却恨世閒涼藥少。冷熱平均。須是松根白茯苓。

滿庭芳

擾擾忽忽。紅塵滿袖。自然心在溪山。尋思百計。真個不如閒。浮世紛紛



華夢影。囂塵路。來往循環。江湖手。長安障日。何似把魚竿。盤旋。那  
忍去。他邦縱好。終異鄉關。向七峯回首。清淚班班。西望煙波萬里。扁  
舟去。何日東還。分攜處。相期痛飲。莫放酒盃慳。

又

槁木形骸。浮雲蹤跡。一年兩到京華。又還乘興。往看洛陽花。聞道韉  
紅最好。春歸後。終委塵沙。忘言處。花開花謝。不似我生涯。年華。留  
不住。饑餐困寢。觸處爲家。這一輪明月。本自無瑕。隨分冬裘夏葛。都  
不會。赤水黃芽。誰知我。春風一拐。談笑有丹砂。

又

淮葉繽紛。江煙濃淡。別樽同倒寒暄。未逢春信。霜露惹征衣。往事元  
無是處。何須待。回首知非。春鶉語。從來勸我。常道不如歸。家山何  
處近。江樓簾棟。夕卷朝飛。問西江筍蕨。何似鱸肥。且置華胥舊夢。忘